

KOMPLEKS TADBIRKORLIK LITSENZIYASI (FRANSHIZING) SHARTNOMASI

Shartnoma tuzilgan vaqt

Shartnoma raqami-son

Shartnoma tuzilgan joy

Kompleks litsenziarining to'liq nomi keyingi o'rinlarda "Kompleks litsenziar" deb yuritiladi nomidan Kompleks litsenziarga shartnoma tuzish huquqini beruvchi hujjat asosida harakat qiluvchi Kompleks litsenziar vakilining yoki direktorining lavozimi va F.I.Sh bir tomondan va Kompleks litsenziatning to'liq nomi keyingi o'rinlarda "Kompleks litsenziat" deb yuritiladi nomidan Kompleks litsenziatga shartnoma tuzish huquqini beruvchi hujjat asosida harakat qiluvchi Kompleks litsenziat vakilining yoki direktorining lavozimi va F.I.Sh ikkinchi tomondan, quyidagilar to'g'risida mazkur shartnomani tuzdilar:

1. SHARTNOMA PREDMETI

1.1. Mazkur shartnoma bo'yicha Kompleks litsenziar Kompleks litsenziatga haq evaziga litsenziarining firma nomidan hamda qo'riqlanadigan tijorat axborotidan, shuningdek shartnomada nazarda tutilgan mutlaq huquqlarga kiruvchi boshqa obyektlardan (tovar belgisi, xizmat ko'rsatish belgisi va ixtirolar hamda boshqalardan) litsenziatning tadbirkorlik faoliyatida foydalanish huquqini o'z ichiga oladigan mutlaq huquqlar kompleksini (litsenziya kompleksi) berish, Kompleks litsenziat esa olingan litsenziya kompleksi uchun Kompleks litsenziarga shartnomada ko'rsatilgan haqni to'lash majburiyatini oladi.

1.2. Kompleks litsenziar Kompleks litsenziatga tadbirkorlik faoliyatida foydalanish uchun quyidagilarni beradi:

1.2.1. Kompleks litsenziatga foydalanish uchun beriladigan Firma nomi (to'liq va qisqartirilgan firma nomi) firma nomini;

1.2.2. Kompleks litsenziar nomiga Ro'yxatga oluvchi organning nomi tomonidan Ro'yxatga olingan raqami, sanasi va boshqa zarur ma'lumotlari ro'yxatga olingan va tasviri mazkur shartnomada keltirilgan Tovar belgisining nomi guvohnomasining raqami, berilgan sanasi, amal qilish muddati_ tovar belgisi;

1.2.3. Foydalanish uchun beriladigan boshqa mutlaq huquqlar

1.3. Kompleks litsenziat shartnomasining 1.2-bandida ko'rsatilgan litsenziya kompleksidan o'zi ishlab chiqargan tovarlarni ishlab chiqargan tovarlarni sotishda foydalaniladigan mamlakat yoki hududning nomi hududida sotishda foydalanishi mumkin.

2. HISOB-KITOB QILISH TARTIBI.

2.1. Ushbu shartnoma bo'yicha Kompleks litsenziat olingan litsenziya kompleksi uchun Kompleks litsenziarga Litsenziya kompleksi uchun to'lanadigan haq miqdori so'm miqdorda, shuningdek har oyda sotilgan tovarlar bahosining Har oyda sotilgan tovarlar bahosidan to'lanadigan foiz miqdori foizi miqdorida tushumdan ajratmalar shaklida haq to'laydi.

2.2. Taraflar o'rtasida hisob-kitoblar To'lov shakli va usuli tartibida amalga oshiriladi.

3. TARAFLARNING MAJBURIYATLARI

3.1. Kompleks litsenziar:

3.1.1. Kompleks litsenziatga texnikaviy va tijorat hujjatlarini topshirishi hamda Kompleks litsenziat mazkur shartnoma bo'yicha o'ziga berilgan huquqlarni amalga oshirishi uchun zarur bo'lgan boshqa axborotni taqdim etishi, shuningdek Kompleks litsenziat va uning xodimlariga ushbu huquqlarni amalga oshirish bilan bog'liq masalalar yuzasidan yo'l-yo'riqlar berishi;

3.1.2. Kompleks litsenziatga shartnomada nazarda tutilgan litsenziyalarni berishi, ularning belgilangan tartibda rasmiylashtirilishini ta'minlashi;

3.1.3. Kompleks litsenziatga doimiy texnikaviy va maslahat yordami ko'rsatishi, shu jumladan xodimlarni o'qitish va ularning malakasini oshirishda yordam berishi shart;

3.1.4. Kompleks litsenziarning boshqa majburiyatlari.

3.2. Kompleks litsenziat:

3.2.1. shartnomada nazarda tutilgan faoliyatni amalga oshirish chog'ida Kompleks litsenziarning firma nomidan shartnomada ko'rsatilgan tarzda foydalanishi;

3.2.2. shartnoma asosida ishlab chiqarayotgan tovarlar sifati bevosita Kompleks litsenziarning o'zi ishlab chiqarayotgan shunday tovarlar sifatiga aniq mos bo'lishini ta'minlashi;

3.2.3. Kompleks litsenziarning litsenziya kompleksiga kiruvchi alohida huquqlardan foydalanish xarakteri, usullari va shartlari bu huquqlardan litsenziarning foydalanishiga aniq mos kelishiga qaratilgan barcha yo'riqnomalari va ko'rsatmalariga, shu jumladan shartnoma bo'yicha o'ziga berilgan huquqlarni amalga oshirish vaqtida foydalanadigan tijorat binolarining tashqi va ichki bezaklariga doir ko'rsatmalariga ham rioya etishi;

3.2.4. sotib oluvchilar bevosita Kompleks litsenziardan tovarni sotib olgan vaqtda ularga umid qilishlari mumkin bo'lgan hamma qo'shimcha xizmatlarni ko'rsatishi;

3.2.5. Kompleks litsenziarning ishlab chiqarish sirlarini va undan olgan boshqa maxfiy tijorat axborotini oshkor qilmasligi;

3.2.6. agar shartnomada to'g'ridan-to'g'ri nazarda tutilgan bo'lsa, shartlashilgan miqdorda yordamchi litsenziyalarni berishi;

3.2.7. kompleks tadbirkorlik litsenziasini tufayli firma nomidan, tovar belgisidan yoki boshqa individuallashtirish vositasidan foydalanayotganligini sotib oluvchilarga ular uchun juda aniq usulda ma'lum qilishi shart;

3.2.8. Kompleks litsenziatning boshqa majburiyatlari.

4. TARAFLARNING JAVOBGARLIGI VA NIZOLARNI HAL QILISH

4.1. Kompleks litsenziat mazkur shartnoma bo'yicha sotayotgan tovarlar sifati shartnomaga mos emasligi to'g'risida Kompleks litsenziatga qo'yiladigan talablar yuzasidan Kompleks litsenziar subsidiar javobgar bo'ladi.

4.2. Kompleks litsenziatga Kompleks litsenziarning tovarlarini tayyorlovchi sifatida qo'yiladigan talablar yuzasidan Kompleks litsenziar Kompleks litsenziat bilan solidar javobgar bo'ladi.

4.3. Taraflar o'z majburiyatlarini bajarmagan yoki lozim darajada bajarmaganliklari uchun O'zbekiston Respublikasining Fuqarolik kodeksi va boshqa qonunchilik hujjatlari hamda mazkur shartnomaga muvofiq javobgar bo'ladilar.

4.4. Taraflar o'rtasida kelib chiqadigan nizolar taraflarning o'zaro kelishuvi asosida hal etiladi. Taraflar kelishuvga erishmagan taqdirda, mazkur shartnomaning tuzilishi, uning shartlarining o'zgarishi, buzilishi, ijro etilishi, bekor bo'lishi, tugatilishi va haqiqiyliги yuzasidan kelib chiquvchi barcha nizolar, kelishmovchiliklar va talablar O'zbekiston Respublikasi Savdosanoat palatasi huzuridagi Hakamlilik sudida uning Reglamentiga asosan hakamlilik sudyasi tomonidan yakka tartibda ko'rib chiqiladi. Hakamlilik sudining hal qiluv qarori taraflar uchun qat'iy va majburiy hisoblanadi.

4.5. Taraflarning Taraflarning boshqa javobgarliklari.

5. SHARTNOMANI O'ZGARTIRISH VA BEKOR QILISH TARTIBI

5.1. Mazkur shartnoma taraflar imzolagan, u Kompleks litsenziarni ro'yxatga olgan organ tomonidan ro'yxatga olingan kundan boshlab kuchga kiradi.

5.2. Ushbu shartnoma O'zbekiston Respublikasi Fuqarolik kodeksi 28-bobining qoidalariga muvofiq o'zgartirilishi yoki bekor qilinishi mumkin. Tegishli o'zgartirishlar ushbu Kodeksning 863-moddasida belgilangan tartibda ro'yxatga olingan paytdan boshlab shartnoma o'zgartirilgan yoki bekor qilingan deb hisoblanadi.

5.3. Taraflardan har biri mazkur shartnomadan istagan vaqtda bosh tortishga haqli bo'lib, bu haqda ikkinchi tarafni olti oy oldin xabardor qilishi kerak.

5.4. Litsenziya kompleksiga kirgan firma nomini yangi firma nomi bilan almashtirmasdan unga bo'lgan huquq bekor qilingan taqdirda mazkur shartnoma bekor qilinadi.

6. SHARTNOMANING BOSHQA SHARTLARI

6.1. Mazkur shartnomaga O'zbekiston Respublikasi Fuqarolik kodeksining intellektual mulk haqidagi qoidalariga tegishli suratda qo'llanadi.

6.2. Kompleks litsenziat Kompleks litsenziar bilan kelishgan va shartnomada belgilangan shartlarda mazkur shartnomaga ko'ra unga berilgan litsenziya kompleksi yoki uning bir qismidan boshqa shaxslarning foydalanishiga ruxsat berish huquqiga ega.

6.3. Litsenziya kompleksiga kiruvchi biron-bir alohida huquqning boshqa shaxsga o'tishi mazkur shartnomani o'zgartirish yoki bekor qilish uchun asos bo'lmaydi. Yangi Kompleks litsenziar o'ziga o'tgan alohida huquq jumlasiga kiruvchi huquqlar va majburiyatlar bo'yicha shartnomaga kirishadi.

6.4. Kompleks litsenziar o'zining firma nomini o'zgartirgan taqdirda, agar Kompleks litsenziat shartnomani bekor qilishni talab qilmasa, mazkur shartnoma saqlanib qoladi va Kompleks litsenziarning yangi firma nomiga nisbatan amal qiladi. Shartnomaning amal qilishi saqlanib qolgan taqdirda Kompleks litsenziat Kompleks litsenziarga tegishli bo'lgan haqni mutanosib ravishda kamaytirishni talab qilishga haqli.

6.5. Agar mazkur shartnoma amal qilib turgan davrda litsenziya kompleksiga kiruvchi alohida huquqning amal qilish muddati tugasa yoki bunday huquq boshqa asosga ko'ra bekor bo'lsa, shartnoma bekor bo'lgan huquqqa taalluqli qoidalarni chegirib tashlagan holda saqlanib qoladi, Kompleks litsenziat esa, Kompleks litsenziarga tegishli bo'lgan haqni mutanosib ravishda kamaytirishni talab qilishga haqli.

6.6. Ushbu shartnomada nazarda tutilmagan, u bilan bog'liq barcha munosabatlar O'zbekiston Respublikasining amaldagi qonunchilik hujjatlari bilan tartibga solinadi.

6.7. Ushbu shartnoma ikki nusxada tuzilgan bo'lib, ikkala nusxa ham bir xil yuridik kuchga ega va taraflarga bir nusxadan beriladi.

7. FORS-MAJOR HOLATLARI

7.1. Taraflardan biri shartnomaning yengib bo'lmaydigan kuch, ya'ni favqulodda muayyan sharoitda oldini olib bo'lmaydigan vaziyatlar (tabiiy ofatlar, noqulay ob-havo sharoiti, hukumat tadbirlari, hokimiyat organlarining qarorlari, harbiy nizolari, ichki tartibbuzarliklar va boshqa tabiiy ofatlar) fors-major tufayli bajarilmagan yoki lozim darajada bajarilmaganligini isbotlasa, javobgar bo'lmaydi.

7.2. Shartnoma bo'yicha majburiyatlarni ijro etishga imkoni bo'lmagan taraf majburiyatlarning ijro etilishiga to'sqinlik qiluvchi vaziyatlar sodir bo'lgani yoki tugaganligi haqida ikkinchi tarafga bildirishi kerak.

8. TARAFLARNING REKVIZITLARI VA IMZOLARI

Kompleks litsenziar:

Manzil: Kompleks litsenziarning manzili

Hisob raqami: Kompleks litsenziarning hisob raqami

Bank :Kompleks litsenziarning pul operatsiyalarini amalga oshiruvchi bank nomi

STIR: Kompleks litsenziarning STIR raqami

Telefon raqami: Kompleks litsenziarning telefon raqami

Kompleks

litsenziar:Kompleks litsenziar vakilining yoki direktorining lavozimi va F.I.Sh _____

(imzo)

M.O'.

Kompleks litsenziat:

Manzil: Kompleks litsenziatning manzili

Hisob raqami: Kompleks litsenziatning hisob raqami

Bank: Kompleks litsenziatning pul operatsiyalarini amalga oshiruvchi bank nomi

STIR: Kompleks litsenziatning STIR raqami

Telefon raqami: Kompleks litsenziatning telefon raqami

Kompleks litsenziat: Kompleks litsenziat vakilining yoki direktorining lavozimi va F.I.Sh _____

(imzo)

M.O'.